

Kev to-taub txog thaum mus xaiv nkag (Understanding Order of Selection)

Kev xaiv nkag yog li cas (OOS)?

Qhov no yog lub sijhawm cia rua Division of Vocational Rehabilitation (DVR) los xav txog tej kev pab rau cov neeg uas xiam oo qhab nyhav dua.

Txoj cai faib cov neeg xiam oo qhab ua ntau pab hauv OOS yog li cas?

Raws li tseemfwv Federal txoj cai, luag faib cov neeg xiam oo qhab nyias nyob muaj nyias ib theem raws li nyias tej teeb-meem loj teeb-meem yau, cov xiam oo qhab nyhav dua yog cov xub tau txais kev pab uantej.

Lub Vocational Rehabilitation txoj cai teev tseg tias, “tus uas xiam oo qhab loj dua yog li no:

- Nws tus mob loj heev ua rau nws lub cev lossis lub tswvyim ua tsis tau haujwm I lawm.
- Nws thov nkag rau txoj kev pab no los lawm ntau zaug thiab siv sijhawm ntev heev li lawm

Ua li qhov hais tias tau kev pab ntau zaus thiab siv sijhawm ntev yog li cas?

Qhov no txhais hais tias nws twb nkag rau luag txoj kev pab los tshaj ob zaug hauv ib lub xyoo no lawm. Txhua zaug puavleej muaj hais tseg rau hauv txoj cai Ch. DWD 65.03,WI Administrative Code, hauv Vocational Rehabilitation tej kev pab lawm.

Ua li qhov faib ua pab ua pawg hauv OOS ho yog li cas?

Raws txoj cai hauv tseemfb Federal, luag kom cov xeev tshuaj xyuas txhua tus txoj kev xiam oo qhab thiab yuav tsum muab faib nyias nyob muaj nyias theem. Lub xeev Wisconsin no tau teev tseg kom muaj faib ua 3 pab li no:

Pawg thib 1 (Cov xiam loj)

Cov uas mob lossis xiam oo qhab txog peb yam rov saud, ua rau nws lub cev txhav heev thiab nws twb nkag thov kev pab los lawm ntau zaus sijhawm dhau los.

Pawg thib 2 (Cov xiam ib nrab)

Cov mob ib mus txog ob qho lossis xiam ib yam mus txog ob yam, ua rau lub cev txhav thiab twb thov nkag luag kev pab los lawm ntau zaus sijhawm dhau los.

Pawg thib 3 (Lwm tus uas tsimnyog pab)

Tsis pom muaj mob nyhav thiab yeej tsis tau tuaj mus thov nkag rau luag tej kev pab yav dhau los li.

Ua li tseem pom muaj cov neeg xiam loj thiab lov?

Lo lus hais tias “Pom mob nyhav” tsis tau txhais txog qhov tus neeg xiam oo qhab. Tseemfbw txoj cai hauv Rehabilitation tau teev txog qee hom kev xiam uas pom tseeb tias mob nyhav tiag. Lo lus “Pom mob nyhav” uas muab los siv hnub no, tsis tau txhais hais tias yog pom mob lawm ces ciali muab nkag rau hauv luag tej kev pab kiag mus.

Qhov hais tias lub cev txhav yog li cas tiag?

Qhov hais txog lub cev txhav yog hais txog tus neeg siv tsis tau nws lub cev ua raws li nws xav lossis yog hais txog qhov uas nws xiam es ua rau nws lub cev txhav, hais tsis tau lus zoo, tu tsis tau lub cev, qhia tsis tau kom ua yam ub yam no, nco tsis tau tias yuav ua yam twg lossis kev txiatxim siab ua yam twg thiab nco tsis tau txog tej yam haujlwm uas twb ua dhau los lawd li lawm.

Yog li ntawd, tus neeg uas mob tsis nyhav los yog hais tias ob yam peb yam uas rau nws lub cev txhav kuj zoo ib yam li tus ntawd nyob rau qhov mob nyhav thiab puas yog?

Tsis yog li kod, txoj cai hauv Federal hais tias, tus uas mob tsis nyhav tiamsis mob ob qho peb qho tsis yog tus uas poob rau qhov lub cev txav tas ua tsis tau haujlwm ntawd.

Yog li ntawd, yuav tsum tau ib sij rov kuaj xyuas ib zaug txog qhov tus neeg lub cev txhav thiab puas yog?

Yog hais tias leej twg xav kom luag rov txheeb xyuas txog theem uas luag muab koj nkag rau hauv OOS los tau, tiamsis yuav tsum muaj ntaub ntawv tshiab hais txog yam ntawd thiab yuav tsum sau ntawv thov mus rau luag tus hlob hauv lub rooj ntawv uas xa ntawv rau koj, hais tias koj yog ib tug uas lub cev txhav ua tsis tau ntawv yam tiag. Thaum ntawd DVR mam li hu ib tug zuj zus mus tham raws li teev tseg ib xyoo muaj ib zaug, thaum ntawd luag mam li saib leej twg muaj yam hloov lawm, yog tias tus twg tseem xav kom luag pab ntxiv los luag yuav tham kom meej.

Puas yog qee yam kev xiam ntawm lub cev muaj teeb-meem loj dua?

Tsis yog li ntawd, peb yeej tsis xaiv ntsej xaiv muag txog qhov uas neeg xiam oo qhab no. Txawm li cas los tej kev mob ua rau neeg xiam oo qhab yeej ua rau qee leej lub cev txhav heev dua li lwm tus tau thiab.

Txoj cai hais tseg hais tias, cov tau kev pab ntawm SSI/SSDI puavleej yuav tsum ciali yog cov tsimnyog poob rau theem uas muaj mob loj lawm ntag. Yog li no kuv puas ciali tau txais kev pab thiab?

Tsis yog li ntawd, tiamsis qhov ntawd txhais tau hais tias tej zaum koj yuav muaj feem tau txais hom kev pab no thiab rau qhov koj yog neeg xiam oo qhab.

Qhov hais tias yuav tsum tau tos yog li cas tiag?

Qhov no txhais hais tias DVR yuav tsis ciali pab tagnrho cov neej tuaj thov kev pab txhua tus. DVR yuav tsum muab cov uas pom hais tias yuav muaj feem tau txais kev pab sau npe tos ib ntus rau qhov luag yuav tsis ciali pab yam tsis muaj ntaub ntawv.

Yog tias luag sau npe tseg xwb no kuv puas yuav tau txais kev pab ntawm DVR?

Thaum DVR nrhiav tau tej ntaub ntawv txaus lawm luag yeej xav kom txhua tus uas sau npe lawd tau txais kev pab raws li nws nyob rau theem twg thiab raws li hnub twg tuaj sau npe.

Puas yog DVR pab qee hom neeg nyob raws li nws theem nyob rau ib qho chaw coob dua li nyob lwm qhov?

DVR nyob thoob plaws hauv lub xeev no. Txhua lub chaw ua hajlwm puav leej pab txhua hom neeg uas nkag rau nws theem tibsi.

Yuav muaj dam dabtsis ntxiv thiab, yog hais tias kuv twb tau txais kev pab kom nrhiav tau dejnum lawm ces DVR yuav tsum muab kuv rho tawm hauv theem ua kuv nkag mus?

Koj tseem yuav tau txais kev pab ntawm DVR kom txog thaum koj tau dejnum ua raws li npaj tseg lawd.

Yog hais tias kuv twb tau txais kev pab ntawm Worker's Compensation lawm, ua li kuv puas tseem muaj feem txais DVR kev pab thiab?

Tsis yog li kod, koj tsis muaj cai txais kev pab vim lwm lub chaw ua haujlwm xa koj los thov nkag (xws li tias Worker's Compensation muab koj xa los) lossis vim koj tej kev txomnyem xwb.

Muaj vajhuam libluag

DWD yog ib lub chaw ua haujlwm muab kev pab sibtxig sibluag. Yog koj yog neeg xiam oo khab thiab xav tau cov ntaub ntawv no txhais ua lwmyam lus, hu rau 800-442-3477 or 888-877-5939 (TTY).

Yog tseem xav paub ntxiv hu rau DVR tej chaw ua haujlwm nyob hauv koj lub nroog. Ib txwm luag nyob ze ntawm tej chaw nrhiav haujlwm rau neeg ua. Saib koj phau ntawv xovtooj koj thiaj li yuav nrhiav tau lawv chaw thiab lawv tus xovtooj lossis hu rau 800-442-3477.

Xav kom paub tshaj no koj muaj cuabkav nrhiav tau DVR chaw nyob hauv computer:
<http://www.dwd.state.wi.us/dvr>. Lossis tus e-mail yog dwddvr@dwd.state.wi.us.